

Utdanningsforbundet ønskjer det vert sett av midlar til ein vikarpool i kommunen. Det er vanskeleg å få tak i kvalifiserte vikarar frå dag til dag, og ein brukar mykje tid og ressursar på å prøva å få nok bemanning. Dette gjeld både barnehagar og skular, i tillegg til at me veit det også gjeld helse. Nokre dagar klarar ein ikkje å fylla bemanningsnorma i barnehagane, og ein har ikkje menneskelege ressursar til tilpassing i skulane. Plantid vert brukt til vikartid. Utdanningsforbundet vil tru at ein vikarpool vil sikra ferre dagar med kritisk låg bemanning. I tillegg vil det også letta arbeidet med å skaffa vikarar, og dermed frigjera tid. Me ser trøtte tilsette, tilsette som går heim med dårleg samvit fordi tilbodet er kraftig redusert og tilsette som er oppgitt, fordi ein ikkje veit når det vil snu. Tilsette som vanlegvis syns det går greitt at det «kokar» rundt dei, har no sagt dei kjenner på trøtthet. Utdanningsforbundet forstår at det er utfordringar i alle delar av organisasjonen, men er bekymra og ønskjer at kommunen raskt prøver ut ein vikarpool.